

Date : 21 Januari 2016
Title : UTP tewaskan 36 IPT lain
Publication : Berita Harian
Page : V16

UTP tewaskan 36 IPT lain



Pasukan UTP muncul juara keseluruhan **Kejohanan Networking Games MASISWA 2016**.

Ipoh: Pasukan tuan rumah, Universiti Teknologi Petronas (UTP) muncul juara keseluruhan Kejohanan Networking Games Majlis Sukan Institusi Pengajian Tinggi Swasta (MASISWA) yang berakhir di sini, Ahad lalu.

UTP meraih lima pingat emas, lima perak dan satu gangsa, sekali gus mengatasi 36 institusi pendidikan tinggi (IPT) lain yang mengambil bahagian dalam kejohanan edisi keempat itu.

UTP memperoleh pingat emas menerusi acara bola tampar, tenpin boling kategori trio serta badminton beregu lelaki, beregu

campuran dan beregu veteran.

Universiti Tenaga Nasional (UNITEN) pula meraih naib juara dengan empat pingat emas, tiga pingat perak dan satu gangsa diikuti Institut Teknologi Petroleum PETRONAS di tempat ketiga dengan memperoleh dua pingat emas dan satu gangsa.

2,000 atlet

Kejohanan tiga hari itu disertai 2,000 atlet dan mempertandingkan tujuh acara sukan iaitu badminton, bola jaring, bola tampar, sepak takraw, tenpin boling, pingpong serta futsal.



Aksi peserta ketika bersaing dalam **Kejohanan Networking Games MASISWA 2016**.

Hadiah disampaikan oleh Presiden MASISWA, Prof Ir Dr Kamal Nasharuddin Mustapha yang juga Naib Canselor UNITEN.

Terdahulu, Timbalan Naib Canselor Hal Ehwal Pelajar dan Alumni UTP, Mohamed Noor Rosli Baharom, berkata penganjuran Kejohanan MASISWA bertujuan mengeratkan silaturahim serta memupuk persefahaman dan perpaduan dalam kalangan kakitangan dan pelajar.

"Kejohanan ini juga diharap menggalakkan gaya hidup sihat, aktif dan cemerlang dalam kalangan pelajar serta kakitangan IPTS terbabit," katanya.